

Ikinyarwanda

PK

18/07/2023 1:30 PM – 3:30 PM



Inomero yuzuye y'umunyeshuri

Intara/ Akarere Umurenge Ishuri Umunyeshuri Umwaka Umujyi

--	--	--	--	--	--	--	--

Amazina y'umunyeshuri:

Izina ryawe bwite:.....

Andi mazina yawe:

Ikitonderwa:

INOMERO Y'UMUNYESHURI N'AMAZINA YE
BIGOMBA KWANDIKWA NK'UKO BIGARAGARA
KURI "REGISTRATION FORM".

IKIZAMINI CYA LETA GISOZA AMASHURI ABANZA, 2022-2023

IKINYARWANDA

Igihe kimara: amasaha abiri

Amanota:

/100

AMABWIRIZA:

- 1) Ntufungure iyi kayi y'ibibazo utabihereye uburenganzira.
- 2) Ikizamini kigizwe n'ibibazo makumyabiri na bitanu 25. Mbere yo gutangira banza ugenzure niba ibyo bibazo byuzuye.
- 3) Ikizamini kigizwe n'ibice bine:
 - **Igice cya mbere: Kumva no gusesengura umwandiko** (amanota 30)
 - **Igice cya kabiri: Ikibonezamvugo** (amanota 25)
 - **Igice cya gatatu: Ubumenyi rusange bw'ururimi** (amanota 30)
 - **Igice cya kane: Ihangamwandiko** (amanota 15)
- 4) Ibisubizo bigomba kuba bifututse kandi byuzuye.
- 5) Gusiribanga no guhindagura ibisubizo bifatwa nko gukopera
- 6) Birabujijwe kugaragaza umwirondoro wawe ahatabugenewe
- 7) Ukurikize amabwiriza ari kuri buri kibazo
- 8) Koresha ikaramu y'ubururu cyangwa iy'umukara.

TWIGIRE MURI PARIKI Y'IGIHUGU Y'AKAGERA

Niba ushaka kwishimisha ukaruhuka imirimo umazemo iminsi, ngwino nkwiyanire gusura Pariki y'Akagera. Turafata umuhanda ugana i Kayonza, nituhagera dukate tugana Nyagatare na Kagitumba ku mupaka. Nitugera ku cyapa k'imbogo i Gabiro turakata iburyo, mu minota mike turaba dutangiye pariki nyirizina.

Nk'uko aya mazina abitubwira, pariki yacu iherereye mu burasirazuba bw'u Rwanda bushyira amajyaruguru. Izina Akagera irikomora ku ruzi rw'Akagera ruhuza igihugu cyacu na Tanzaniya. Iyi pariki yashinzwe mu 1934 hagamijwe guha inyamaswa icyanya cyo kubamo zituje zidatinya kwicwa na ba rushimusi cyangwa abandi.

Ni yo pariki yonyine ushobora kubonamo icyarimwe imirambi n'utununga byamezeho ubwatsi n'ibiti bigufi, ibishanga, ibiyaga n'igice k'ishyamba ritoshye. Ibiyaga birimo Ihema n'ibindi biyaga bito byinshi bikikijwe n'urufunzo rurerure byorohera inyamaswa kubona amazi yo kunywa.

Yewe, inyamaswa zo zirahari ngo ngwino urebe! Maze agatsinda zose zirashishe kandi zifite umubiri ukeye wagira ngo hari uzuhagira akazisiga! Si gusa ndumva ari Imana izisiga ikazinogereza! Ubwiza bwazo bwararahiriwe, burenga imisozi busingira ibihugu, bureshya ba mukerarugendo bayoboka iy'Akagera.

Mu z'amajanja higanje intare rwabwiga ari yo mwami nyiri ishyamba, ingwe ari yo rwara idatana n'urusamagwe rwagowe ngo rwaba ruhora ruyihetse irushinga inzara ngo rwihute, imbwebwe, imondo, isega, impyisi mahuma, umukara, inkobe, urutoni n'izindi.

Izuba zo ntiwazibara. Si ngaya amashyo y'imbogo rwarikamavubi zihora zizunguza umutwe zijunditse umujinya? Aya si amasasu, izi si inyemera, inimba n'itamu, inkoronko, isatura zahiriwe no kuryiruka nk'izarigabanye ari na ho zakuye akabyiniriro ka burugumesitiri? Izi ni impara n'imparage. Itegereze n'izi twiga ari zo bise musumbashyamba kuko zikurunguruka zigusuhuriza mu bushorishori bw'ibiti. Izindi nyamaswa zikunda kuziba hafi kuko ngo zishobora kubona mbere icyago kije, zaba zihunze n'izindi nyamaswa zikamenya ko zatewe zigashyira bugeri. Ngizi invubu zirirwa zireremba mu biyaga bihorana ituze, inzovu rwabunga zahawe intebe ku nkombe y'ikiyaga k'Ihema. Na cyo tugisura maze zidusanganize ubwuzu n'urugwiro nk'aho zisanzwe zitubona muri iri shyamba ry'iminyanya n'iminyonza.

Mu biguruka, reba imisambi ihora yasokoje isunzu, kagoma, inkona n'inkongoro bihora birwanira intumbi z'inyamaswa, mukoma, inkware n'inkurakura, inyange n'ibigagari, iswikiri n'ishwima n'izindi nyinshi cyane.

Kuba wahisuriye ukahashima, uzarebye n'abandi bazahasanga byinshi bishimishije: imirambi myiza udaheza ijisho n'utununga twamezeho umukenke

inyamaswa zirisha n'amataba ateze adatamba kandi atagira uko asa atakurambira kuyagenda. Iyi migenge n'iminyinya bifatanye urunana, birasa n'ibitwereka ko gucudika atari ibya muntu gusa, ahubwo ko n'ibimera bishobora kutubera urugero mu mibanire yacu. Imikoma, imyiha n'imikenke n'ibindi biti by'inganzamarumbo bidutegereje biteze yombi bisa n'ibitubwira ngo "turakaza neza turisanga." Wanganya iki iri zuba rimurika ibigarama, imisozi n'ibibaya twitegeye aho duhagaze kuri Hoteri Akagera, wanganya iki aya mahumbezi azanwa n'akayaga kaduhuha kadusuhuza katureshya ngo tutagenda tutahicaye ngo turuhuke!

Pariki y'Akagera ifite umwanya ukomeye cyane mu byiza bitatse igihugu cyacu ikaba n'umutungo kamere w'agaciro kanini cyane. Nimuharanire kuyisura, muzavayo mwishimye.

IGICE CYA MBERE: KUMWA NO GUSESENGURA UMWANDIKO (amanota 30)

1) Andika uturere tubiri (2) two mu ntara y'Tburasirazuba tuvugwa muri uyu mwandiko. **(amanota 2)**

.....

2) Dukurikije uyu mwandiko, Pariki y'Akagera: **(amanota 3)**

- (a) Ingana iki?
- (b) Yashinzwe ryari?
- (c) Yashinzwe na nde?

3) Inyamaswa zo muri iyi pariki zikundira iki twiga? **(amanota 2)**

.....

4) Pariki bisobanura iki? **(amanota 3)**

.....

5) Garagaza ibintu bitatu (3) by'umwihariko w'iyi Pariki y'Akagera? **(amanota 3)**

.....

6) Andika ibimera bine (4) biboneka muri pariki? **(amanota 4)**

.....

.....
.....
.....
7) Andika inyamaswa imwe kuri buri bwoko (iz'amajanja, izuza n'ibiguruka) mu ziboneka muri Pariki y'Akagera. **(amanota 3)**

.....
.....
.....
8) Iyi pariki ifitiye Igihugu cy'u Rwanda akahe kamaro? **(amanota 2)**

.....
.....
.....
9) Simbuzaamagambo akurikira ari mu mwandiko: rwabwiga, rwara, rwarikamavumbi, mahuma **(amanota 4)**

- (a) Kagubari yahuye n'impfisi.....ayikubita inkoni.
- (b) Muri Pariki y'Akagera dusangamo intare.....ikaba umwami w'ishyamba.
- (c) Ingwe bayita.....ikaba ihorana n'urusamagwe.
- (d) Imbogona yo tuyisanga muri Pariki y'Akagera.

10) Huza amagambo dusanga mu mwandiko n'ibisobanuro byayo: **(amanota 4)**

- (a) utununga (i) kurakara
- (b) Gushyira bugeri (ii) amafu
- (c) Kujundika umujinya (iii) kwiruka uhunga
- (d) amahumbezi (iv) udusozi tugufi

- (a)
- (b)
- (c)
- (d)

IGICE CYA KABIRI: IKIBONEZAMVUGO (AMANOTA 25)

11) Vuga umumaro w'amagambo atsindagiye mu nteruro zikurikira

(amanota 3)

(a) Mama yaguze **imyenda**

.....

(b) Umwarimu **arakosora** impapuro

.....

(c) **Gatete** akunda umupira w'amaguru

.....

12) Vuga ubwoko bw'amagambo atsindagiye mu nteruro zikurikira **(amanota 3)**

(a) Nk'uko **aya** mazina abitwereka, Pariki y'Akagera yegeeranye n'uruzi rw'Akagera.

.....

(b) Imvubu zihora zireremba **mu** biyaga byuje ituze

.....

(c) Izindi nyamaswa zijya kubona icyago twiga zabimenye **kare**.

.....

13) Tanga ingero z'amagambo ashobora gukoreshwamo amategeko y'igenamajwi akurikira unagaragaze uturemajambo twayo. **(amanota 6)**

(a) $i \rightarrow y / -J$

(b) $r \rightarrow d/n-$

(c) $n \rightarrow m/-b$

14) Sobanura uko utwatuzo dukurikira dukoreshwa, unadukoreshe mu nteruro ngufi wihimbiye. **(amanota 4)**

(a) Agatangaro (!)

(b) Akabago (.)

(a)

.....

(b)

.....

15) Shyira inshinga zo mu nteruro zikurikira mu ndango yemeza cyangwa ihakana. **(amanota 3)**

(a) Turaza vuba aha.

.....

(b) Ndaryama ndiye.

.....

(c) Nimudakora ntimuzatera imbere.

.....

16) Hindura interuro zikurikira mu ngiro nkora cyangwa ingiro ntega.

(amanota 4)

(a) Biriya biti byatewe n'abaturage mu muganda.

.....

(b) Imbwa yapfuye irahambwa ntijugunywa mu mazi.

.....

(c) Abana b'abahungu n'ab'abakobwa bagomba gutera ibiti.

.....

17) Inshinga zo muri izi nteruro zitondaguye mu kihe gihe? **(amanota 2)**

(a) Tuzakora ikizamini muri Nyakanga.

.....

(b) Abanyeshuri biga ikinyarwanda buri munsi.

.....

IGICE CYA GATATU: UBUMENYI RUSANGE BW'URURIMI

(amanota 30)

18) Andika uturango dutatu (3) tw'umugani muremure.

(amanota 3)

.....

19) Tahura amagambo atanu (5) y'Ikinyarwanda mu kinyatuzu gikurikira.

(amanota 5)

K	U	I	I	S	H	U	R	I
U	R	S	N	U	M	U	C	O
M	U	A	K	G	I	T	O	K
U	R	M	I	I	I	N	K	A
B	I	B	N	R	A	R	A	R
U	M	U	G	A	N	D	A	A
K	I	B	I	R	O	R	I	N
W	M	W	A	M	B	A	A	D
E	I	U	B	U	D	E	H	E
U	R	U	K	U	N	D	O	O

.....

20) Huza amasano y'umuryango akurikira n'ibisobanuro byayo.

(amanota 4)

- (a) masenge
- (b) marume
- (c) mubyara wange
- (d) abisengeneza
- (i) umwana wa marume
- (ii) abana ba musaza wange
- (iii) musaza wa mama
- (iv) mushiki wa data

- (a)
- (b)
- (c)
- (d)

21) Ica ibisakuzo bikurikira: **(amanota 5)**

- (a) Hakurya mu gihuku!
.....
- (b) Nagutera icyo utazi utabonye!
.....
- (c) Ugiye mu rutoki abanza iki?
.....
- (d) Mbe muganga aho wicariye nturuha akabuno?
.....
- (e) Nkubise urushyi rurumira!
.....

22) Koresha ijambo “kuvura” mu nteruro ebyiri zidahuje ibisobanuro. **(amanota 2)**

-
-

23) Uzuza imigani y’imigenurano ikurikira: **(amanota 5)**

- (a) Uwavuga ntibwaribwa.
- (b) Igiti kimwe
- (c) Ntawujya abure inkoni aca.
- (d) akama ay’ibumoso.
- (e) Ubwenge bw’umwe

24) Kosora amakosa y’imyandikire ari mu nteruro zikurikira. **(amanota 6)**

- (a) Nuva kw’ishuri uje kuhira za ngemwe zibiti twateye ejo bundi.
.....
.....
- (b) Naraye mvuye i muhira ni mugoroba.
.....

.....

IGICE CYA KANE: IHANGAMWANDIKO

(amanota 15)

Andika inkuru mu buryo bw'ikinyamakuru muri uyu mwanya wagenwe, ugendeye ku miterere yayo. Ubare inkuru y'ibintu wahagazeho wowe ubwawe cyangwa wabwiwe n'undi muntu, wumva wageza ku bandi. **(amanota 15)**

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

IHEREZO